

Ֆինանսական հաշվետվություններին կից ծանոթագրություններ

1. Ընդհանուր տեղեկություններ

1.1 Ընկերության մասին

«Տիտան-93» սահմանափակ պատասխանատվության ընկերությունը (այսուհետ՝ Ընկերություն) ստեղծվել է 08.11.1994թ-ին: Ընկերության կանոնադրությունը գրանցվել է 08.11.1994թ-ին ,գրանցման թիվ՝ 269.110.00198:

Ընկերության իրավաբանական հասցեն է՝ ՀՀ, ք. Երևան, Գարեգին Նժդեհի 3, բն. 26:

Ընկերության կառավարման մարմիններն են՝ բաժնետերերի ընդհանուր ժողովը և Ընկերության տնօրենը:

2021թ Ընկերության աշխատողների միջին ցուցակային թիվը կազմել է 126 մարդ, իսկ 2020թ՝ 108 մարդ:

Հիմնական գործունեությունը

Ընկերությունը իրականացնում է պարենային և ոչ պարենային ապրանքների մանրամեծածախ վաճառք՝ առևտրային ցանցի միջոցով:

2. Ֆինանսական հաշվետվությունների պատրաստման հիմունքները

2.1 Համապատասխանության մասին հայտարարություն

Ներկայացվող ֆինանսական հաշվետվությունները պատրաստվել են փոքր և միջին կազմակերպությունների ֆինանսական հաշվետվությունների միջազգային ստանդարտների (այսուհետ՝ ՓՄԿ-ի ՖՀՄՄ) պահանջների համաձայն:

2.2 Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով:

2.3 Ֆունկցիոնալ և ներկայացման արժույթը

Ընկերության ֆունկցիոնալ արժույթը Հայաստանի Հանրապետության ազգային արժույթն է՝ ՀՀ դրամը (դրամ): Այն հանդիսանում է նաև Ընկերության ֆինանսական հաշվետվությունների ներկայացման արժույթը: Ֆինանսական տեղեկատվությունը ներկայացված է դրամով՝ հազարների ճշտությամբ:

2.4 Գնահատումների և դատողությունների կիրառում

ՓՄԿ-ի ՖՀՄՄ-ի համապատասխան ֆինանսական հաշվետվությունների պատրաստումը պահանջում է որպեսզի Ընկերության ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա:

3. Նշանակալի հարցերի նկատմամբ կիրառված հաշվապահական հաշվառման բաղադրականությունը

3.1 Հիմնական միջոցներ

Հիմնական միջոցի միավորը՝ որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով)՝ հանած կուտակված մաշվածությունը արժեզրկումից կուտակված կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման և ուղղակիորեն վերագրվող ծախսումներ:

Հիմնական միջոցի՝ որպես առանձին ակտիվ հաշվառվող միավորի բաղկացուցչի փոխարինման ծախսումները կապիտալացվում են դուրս գրված բաղկացուցչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են համապարփակ ֆինանսական արդյունքների մասին հաշվետվությունում՝ կատարվելու ժամանակաշրջանում:

Հիմնական միջոցի մաշվածության գումարն իր օգտակար ծառայության ընթացքում պարբերաբար բաշխվում է՝ կիրառելով մաշվածության հաշվարկման գծային մեթոդը: Հիմնական միջոցի մաշվածության հաշվարկումը սկսվում է, երբ այն մատչելի է շահագործման համար, այսինքն, երբ հիմնական միջոցի գտնվելու վայրը և վիճակը ապահովում են նրա շահագործումը Ընկերության մտադրություններին համապատասխան: Յուրաքանչյուր ժամանակաշրջանի մաշվածության գումարը ճանաչվում է ֆինանսական արդյունքներում՝ բացառությամբ եթե այն ներառվել է մեկ այլ ակտիվի հաշվեկշռային արժեքում:

Հիմնական միջոցների համար սահմանված օգտակար ծառայության ժամկետներն են.

<i>Շենքեր, կառուցվածքներ, տարափորումներ</i>	<i>5-8 տարի</i>
<i>արտադրատնտեսական գույք</i>	<i>5-8 տարի</i>
<i>հաշվողական և համակարգչային տեխնիկա</i>	<i>1-5 տարի:</i>

3.2 Ոչ նյութական ակտիվներ

Ոչ նյութական ակտիվի միավորը՝ որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով)՝ հանած կուտակված ամորտիզացիան և արժեզրկումից կուտակված կորուստները:

Ոչ նյութական ակտիվի ամորտիզացիան հաշվարկվում է այն պահից, երբ ակտիվը մատչելի է օգտագործման համար:

Ամորտիզացիան ճանաչվում է շահույթում կամ վնասում ոչ նյութական ակտիվների օգտակար ծառայության ժամկետի ընթացքում՝ կիրառելով գծային մեթոդը: Օգտակար ծառայության գնահատված ժամկետները հետևյալն են՝

<i>Համակարգչային ծրագրեր</i>	<i>3-10 տարի</i>
------------------------------	------------------

Ոչ նյութական ակտիվն ապահանջվում է օտարման ժամանակ, երբ օգտագործումից կամ օտարումից այլևս ապագա տնտեսական օգուտներ չեն ակնկալվում: Ոչ նյութական ակտիվի ապահանջումից առաջացած օգուտը կամ կորուստը, որը չափվում է որպես օտարումից գուտ մուտքերի և ակտիվի հաշվեկշռային արժեքի միջև տարբերություն, ճանաչվում է շահույթում կամ վնասում, երբ այդ ակտիվն ապահանջվում է:

3.3 Արտարժույթով գործարքներ

Ֆինանսական հաշվետվություններ պատրաստելիս Հնկերության համար ֆունկցիոնալ արժույթից տարբերվող այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի կողմից հրապարակված՝ արտարժույթային շուկաներում արտարժույթի նկատմամբ հայկական դրամի միջին փոխարժեքով:

Յուրաքանչյուր հաշվապահական հաշվեկշռի ամսաթվի դրությամբ արտարժույթով դրամային հոդվածները պետք է վերահաշվարկվեն՝ կիրառելով հաշվապահական հաշվեկշռի ամսաթվի դրությամբ ՀՀ ԿԲ կողմից հրապարակված միջին փոխարժեքը, սկզբնական արժեքով չափվող արտարժույթով ոչ դրամային հոդվածները պետք է վերահաշվարկվեն գործառնության ամսաթվի փոխանակման փոխարժեքով և իրական արժեքով չափվող արտարժույթով ոչ դրամային հոդվածները պետք է վերահաշվարկվեն իրական արժեքի որոշման օրվա փոխանակման փոխարժեքով: Այն ոչ դրամային հոդվածները, որոնց սկզբնական արժեքը հաշվառվում է արտարժույթով, չեն վերահաշվարկվում:

Փոխարկման հետևանքով առաջացած արտարժույթային տարբերությունները ճանաչվում են ֆինանսական արդյունքում այն ժամանակաշրջանում, որում դրանք առաջացել են:

3.4 Դրամական միջոցներ և համարժեքներ

Դրամական միջոցները և դրանց համարժեքները ներառում են կանխիկ միջոցները, բանկի հաշվարկային հաշվում ունեցած միջոցները, ինչպես նաև երեք ամիս և պակաս ժամկետայնությամբ ընթացիկ ավանդներն ու այլ կարճաժամկետ բարձր իրացվելի ներդրումները:

3.5 Պաշարներ

Պաշարները չափվում են ինքնարժեքից և հնարավոր իրացման գուտ արժեքից նվազագույնով:

Պաշարների ինքնարժեքը ներառում է ձեռքբերման, արտադրանքի վերամշակման բոլոր ծախսումները և պաշարները ներկա գտնվելու վայր և վիճակի բերելու հետ կապված բոլոր այլ ծախսումները: Պաշարների հնարավոր իրացման գուտ արժեքը սովորական գործունեության ընթացքում վաճառքի գնահատված գինն է՝ հանած համալրման և վաճառքը կազմակերպելու համար գնահատված ծախսումները:

Փոխադարձ փոխարկելի հանդիսացող պաշարների ինքնարժեքը որոշվում է «առաջին մուտք, առաջին ելք»՝ ԱՄՄԵ բանաձևով: Փոխադարձ փոխարկելի չհանդիսացող պաշարների, ինչպես նաև հատուկ ծրագրերի համար նախատեսված ու արտադրված ապրանքների կամ ծառայությունների միավորի ինքնարժեքը որոշվում է դրանց կոնկրետ ծախսումների հստակ առանձնացման միջոցով:

Երբ պաշարները վաճառվում են, դրանց հաշվեկշռային արժեքը ճանաչվում է որպես ծախս այն ժամանակաշրջանում, երբ ճանաչվում է դրանց հետ կապված հասույթը:

3.6 Աշխատակիցների հատուցումներ

Աշխատակիցների կարճաժամկետ հատուցումները ներառում են աշխատավարձերը, կարճաժամկետ փոխհատուցելի բացակայությունները (ինչպիսիք են, օրինակ, վճարովի տարեկան արձակուրդները և հիվանդության հետ կապված վճարովի արձակուրդները), և պարգևավճարները:

Աշխատակիցների կարճաժամկետ հատուցումների գծով պարտականությունները չափվում են առանց զեղչման և ծախսագրվում են համապատասխան ծառայությունը մատուցելուց հետո:

3.7 Հասույթ

Ընկերության հասույթը պետք է չափի ստացված կամ ստացվելիք հատուցման իրական արժեքով: Ստացված կամ ստացվելիք հատուցման իրական արժեքը հաշվի է առնում Ընկերության կողմից տրամադրվող ցանկացած առևտրական զեղչերի, ժամկետից շուտ վճարման զեղչերի և քանակային զիջումների գումարները: Ընկերության հասույթում պետք է ներառի ստացված կամ ստացվելիք տնտեսական օգուտների միայն այն համախառն ներհոսքը, որը պատկանում է տվյալ Ընկերությանը: Ընկերության հասույթում չպետք է ներառի երրորդ անձանց անունից հավաքագրված բոլոր գումարները, օրինակ՝ վաճառքից հարկերը, ապրանքների և ծառայությունների գծով հարկերը և ավելացված արժեքի հարկը:

3.8 Ընդհանրություն

Ընկերությունը որպես շնորհ հաշվառում է հիմնադրից ստացված միջոցները, որոնք ճանաչվում և չափվում են իրական արժեքով:

Ընդորդ չի ճանաչվում, քանի դեռ չկա հիմնավորված երաշխիք, որ Ընկերությունը կատարելու է դրան կից պայմանները և, որ շնորհը ստացվելու է:

Ընդհանրությունը ճանաչվում են որպես եկամուտ սխառեմատիկ հիմունքով այն ժամանակաշրջանների ընթացքում, երբ Ընկերությունը որպես ծախս է ճանաչում դրանց համապատասխան ծախսումները, որոնց փոխհատուցման համար նախատեսված են շնորհները: Երբ շնորհը վերաբերում է ակտիվներին, այն ճանաչվում է որպես հետաձգված եկամուտ և համապատասխան ֆինանսական արդյունքների մասին հաշվետվությունում հաշվառվում է հավասարաչափ գումարներով՝ համապատասխան ակտիվի ակնկալվող օգտակար ծառայության ընթացքում: Ընդորդ, որը ստացման ենթակա է դառնում ի հատուցում արդեն կրած ծախսերի կամ վնասների, կամ որի նպատակն է Ընկերությանը տրամադրել անհետաձգելի ֆինանսական օգնություն՝ առանց դրա հետ կապված հետագա ծախսումների, պետք է ճանաչվի որպես եկամուտ այն հաշվետու ժամանակաշրջանում, երբ այն դառնում է ստացման ենթակա:

3.9 Ֆինանսական գործիքներ

Ֆինանսական ակտիվները կամ ֆինանսական պարտավորությունները ճանաչվում են, երբ Ընկերությունը դառնում է ֆինանսական գործիքի պայմանագրային կողմ:

Ֆինանսական ակտիվները ապահանջվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ երբ փոխանցվում են ֆինանսական ակտիվները, բոլոր նշանակալից ռիսկերն ու հատուցումները:

Ֆինանսական պարտավորությունները ապահանջվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

Երբ ֆինանսական ակտիվը կամ ֆինանսական պարտավորությունը սկզբնապես ճանաչվում է, Ընկերությունը պետք է այն չափի գործարքի գնով (ներառյալ գործարքի հետ կապված ծախսումները):

Ընկերության ֆինանսական ակտիվներն ու ֆինանսական պարտավորություններն ըստ կատեգորիաների ներկայացված են ծանոթագրություն 22 -ում:

3.10 Ակտիվների արժեզրկում

Արժեզրկումից կորուստը առաջանում է, երբ ակտիվի հաշվեկշռային արժեքը գերազանցում է դրա փոխհատուցվող գումարը: Ակտիվի փոխհատուցվող գումարը դրա իրական արժեքից՝ հանած վաճառքի ծախսումները, և օգտագործման արժեքից առավելագույնն է:

Իրական արժեք՝ հանած վաճառքի ծախսումները, ակտիվի վաճառքից ստացվող գումարն է՝ իրազեկ և պատրաստակամ կողմերի միջև «անկախ կողմերի միջև գործարքում»՝ հանած օտարման ծախսումները: Օգտագործման արժեքը ապագա դրամական միջոցների հոսքերի ներկա արժեքն է, որն ակնկալվում է առանալ ակտիվից:

Ընկերությունը յուրաքանչյուր հաշվետու ամսաթվի դրությամբ պետք է գնահատի՝ առկա է արդյոք որևէ հայտանիշ, ըստ որի՝ ակտիվը կարող է արժեզրկված լինել: Եթե առկա է որևէ այդպիսի հայտանիշ, ապա

Ընկերությունը պետք է գնահատի ակտիվի փոխհատուցվող գումարը: Եթե արժեզրկման որևէ հայտանիշ չկա, ապա անհրաժեշտ չէ գնահատել փոխհատուցվող գումարը:

Ընկերությունը արժեզրկումից կորուստը պետք է անմիջապես ճանաչի շահույթում կամ վնասում:

Ընկերությունը յուրաքանչյուր հաշվետու ամսաթվի դրությամբ պետք է գնահատի, թե առկա է արդյոք որևէ հայտանիշ, ըստ որի հնարավոր է, որ նախորդ ժամանակաշրջաններում ճանաչված արժեզրկումից կորուստը այլևս գոյություն չունի կամ նվազել է:

Ընկերությունը արժեզրկումից կորուստի հակադարձումը անմիջապես պետք է ճանաչի շահույթում կամ վնասում:

3.11 Պահուստներ, պայմանական ակտիվներ և պարտավորություններ

Պահուստը ֆինանսական փնճակի մասին հաշվետվությունում ճանաչվում է, երբ Ընկերությունը ունի իրավական կամ կառուցողական պարտականություն՝ որպես անցյալ դեպքերի արդյունք, հավանական է, որ պարտականությունը մարելու նպատակով կպահանջվի տնտեսական օգուտների արտահոսք և պարտականության գումարը հնարավոր է արժանահավատորեն գնահատել: Եթե ժամանակի մեջ դրամի արժեքի ազդեցությունը էական է, ապա պահուստի գումարը պետք է իրենից ներկայացնի այն ծախսումների ներկա արժեքը, որոնք, ըստ ակնկալության, կպահանջվեն այդ պարտականությունը մարելու համար: Ձեռքման դրույքը պետք է լինի այն դրույքը՝ առանց հաշվի առնելու հարկման ազդեցությունը, որն արտացոլում է ժամանակի մեջ դրամի արժեքի և այդ պարտավորությանը հատուկ ռիսկերի ընթացիկ շուկայական գնահատումները:

Ցուրաքանչյուր հաշվետու ժամանակաշրջանի վերջի դրությամբ պահուստները պետք է վերանայվեն և ճշգրտվեն՝ ընթացիկ լավագույն գնահատականը արտացոլելու համար: Եթե այլևս հավանական չէ, որ պարտավորությունը մարելու համար կպահանջվի տնտեսական օգուտներ մարմնավորող միջոցների արտահոսք, ապա պահուստը պետք է հակադարձվի:

Պահուստը պետք է օգտագործվի միայն այն ծախսումների դիմաց, որոնց գծով այդ պահուստը սկզբնապես ճանաչվել էր:

Պայմանական ակտիվները չեն ճանաչվում ֆինանսական հաշվետվություններում, քայց բացահայտվում են, երբ տնտեսական օգուտների մուտքը հավանական է համարվում:

Պայմանական պարտավորությունները ճանաչվում են ֆինանսական հաշվետվություններում այն դեպքում, երբ հավանական է պարտավորությունը լուծելու համար տնտեսական օգուտների արտահոսք և այդ արտահոսքը կարող է խելամտորեն գնահատվել: Դրանք բացահայտվում են այնքան ժամանակ, մինչև տնտեսական օգուտները մարմնավորող միջոցների արտահոսքի հավանականությունը շատ փոքր է:

4. Հիմնական միջոցներ

Հազար ՀՀ դրամ	Մեքենա - սարքավորումներ	Համակարգչային և հաշվողական տեխնիկա	Տրանսպորտային միջոցներ	Տնտեսական գույք. արտադրական գույք	Այլ հիմնական միջոցներ	Ընդամենը
Համախառն հաշվեկշռային արժեք						
2020թ հունվարի 1-ի դրությամբ	38 157	-	4 000	-	9 066	51 223
Ավելացումներ	9 334	706	-	1 571	9 938	21 549
Օտարումներ, դուրս գրումներ	-	-	-	-	(100)	(100)
2020թ դեկտեմբերի 31-ի դրությամբ	47 491	706	4 000	1 571	18 904	72 672
2021թ հունվարի 1-ի դրությամբ	47 491	706	4 000	1 571	18 904	72 672
Ավելացումներ	2 377	783	-	8 496	38 970	50 626
Օտարումներ, դուրս գրումներ	-	-	-	-	-	-
2021թ դեկտեմբերի 31-ի դրությամբ	49 868	1 489	4 000	10 067	57 874	123 298
Կուտակված մեղմամուկություն						
2020թ հունվարի 1-ի դրությամբ	7 871	-	1 000	-	1 246	10 117
Տարվա ծախս	4 843	6	500	21	1 388	6 758
Օտարումներ, դուրս գրումներ	-	-	-	-	(34)	(34)
2020թ դեկտեմբերի 31-ի դրությամբ	12 714	6	1 500	21	2 600	16 841
2021թ հունվարի 1-ի դրությամբ	12 714	6	1 500	21	2 600	16 841
Տարվա ծախս	6 043	1 266	500	875	5 277	13 961
Օտարումներ, դուրս գրումներ	-	-	-	-	-	-
2021թ դեկտեմբերի 31-ի դրությամբ	18 757	1 272	2 000	896	7 877	30 802
Զուտ հաշվեկշռային արժեք						
2020թ դեկտեմբերի 31-ի դրությամբ	34 777	700	2 500	1 550	16 304	55 831
2021թ դեկտեմբերի 31-ի դրությամբ	31 111	217	2 000	9 171	49 997	92 496

2021թ. դեկտեմբերի 31-ի դրությամբ Ընկերությանը չունի գրավարկված հիմնական միջոցներ:

5. Ոչ ելույթական ակտիվներ

Հազար ՀՀ դրամ	Համակարգչային ծրագրեր	Այլ	Ընդամենը
Համախառն հաշվեկշռային արժեք			
2020թ հունվարի 1-ի դրությամբ	-	-	-
Ավելացումներ	860	-	860
Օտարումներ, դուրս գրումներ	-	-	-
2020թ դեկտեմբերի 31-ի դրությամբ	860	-	860
2021թ հունվարի 1-ի դրությամբ	860	-	860
Ավելացումներ	-	-	-
Օտարումներ, դուրս գրումներ	-	-	-
2021թ դեկտեմբերի 31-ի դրությամբ	860	-	860
Կուտակված մաշվածություն			
2020թ հունվարի 1-ի դրությամբ	-	-	-
Տարվա ծախս	1	-	1
Նվազեցումներ	-	-	-
2020թ դեկտեմբերի 31-ի դրությամբ	1	-	1
2021թ հունվարի 1-ի դրությամբ	1	-	1
Տարվա ծախս	86	-	86
Նվազեցումներ	-	-	-
2021թ դեկտեմբերի 31-ի դրությամբ	87	-	87
Զուտ հաշվեկշռային արժեք			
2020թ դեկտեմբերի 31-ի դրությամբ	859	-	859
2021թ դեկտեմբերի 31-ի դրությամբ	773	-	773

6. Այլ ոչ ընթացիկ ակտիվներ

Կանխավճարներ

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Տրված կանխավճարներ ոչ ընթացիկ ակտիվներ ձեռք բերելու համար	-	19 820
Ընդամենը	-	19 820

Հետաձգված ծախսեր ոչ ընթացիկ ակտիվների գծով

	Վարձակալած շենքի վրա կապիտալացվող ծախսեր	Այլ	Ընդամենը
2021թ հունվարի 1-ի դրությամբ	-	-	-
Ավելացումներ	21 447	-	21 447
Օտարումներ, դուրս գրումներ	-	-	-
2021թ դեկտեմբերի 31-ի դրությամբ	21 447	-	21 447
Կուտակված մաշվածություն			
2021թ հունվարի 1-ի դրությամբ	-	-	-
Տարվա ծախս	715	-	715
Նվազեցումներ	-	-	-
2021թ դեկտեմբերի 31-ի դրությամբ	715	-	715
Զուտ հաշվեկշռային արժեք			
2020թ դեկտեմբերի 31-ի դրությամբ	-	-	-
2021թ դեկտեմբերի 31-ի դրությամբ	20 732	-	20 732

7. Պաշարներ

Հազար ՀՀ դրամ	2021թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
Ապրանքներ մանրածախ ցանցում	1 513 604	1 778 075
Այլ	986	25 240
	1 514 590	1 803 315

2021թ. դեկտեմբերի 31-ի դրությամբ Ընկերությունը չունի գրավադրված պաշարներ:

8. Արտադրանքային և այլ դեբիտորական պարտքեր

Հազար ՀՀ դրամ	2021թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
Դեբիտորական պարտքեր վաճառքների գծով	13 676	7 337
Դեբիտորական պարտքերի հնարավոր կորուստների պահուստ	-	-
Ընդամենը ընթացիկ արտադրանքային պարտքեր	13 676	7 337
Տրված ընթացիկ կանխավճարներ	2 563	6 288
Դեբիտորական պարտքեր բյուջեին	-	63 482
Դեբիտորական պարտքեր բյուջեին այլ հարկերի և պարտադիր վճարների գծով	779	-
	17 018	77 107

Ընկերության դեբիտորական պարտքերի մարման միջին տևողությունը 2021թ. կազմել է 85 օր, իսկ 2020թ.՝ 47 օր:

Դեկլարությունը հավատարմագրված է, որ պետական բյուջեից դեբիտորական պարտքերն ամբողջովին ենթակա են վերականգնման:

9. Դրամական միջոցներ

Հազար ՀՀ դրամ	2021թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
Դրամական միջոցներ բանկային հաշիվներում	7 918	118 697
Դրամական միջոցներ ճանապարհին	1 012	-
Կանխիկ դրամը դրամարկղում	91 739	1 752
	100 669	120 449

10. Մեփական կապիտալ

Կանոնադրական կապիտալ

Ընկերության կանոնադրական կապիտալը կազմում է 50 000 (հիսուն հազար) ՀՀ դրամ՝ կազմված մեկ բաժնեմասից, որը պատկանում է Ընկերության միակ մասնակից Հայաստանի Հանրապետության քաղաքացի Սևակ Նիկողոսյանին:

Պահուստային կապիտալ

Ընկերությունը կուտակված շահույթի հաշվին պետք է ստեղծի պահուստային կապիտալ, որը կարգավորված է Ընկերության կանոնադրությամբ: Այն օգտագործվելու է վնասների ծածկման, շահաբաժինների վճարման և կանոնադրական կապիտալի ավելացման նպատակներով:

Ընկերությունը 31.12.2021թ. և 31.12.2020թ. դրությամբ պահուստային կապիտալի համալրում չի կատարել:

Շահաբաժիններ

Ընկերությունը 2021թ. և 2020թ. համար շահաբաժին չի հայտարարել:

11. Վարկեր և փոխառություններ

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Ոչ ընթացիկ		
Վարկեր	-	-
Փոխառություններ	-	-
Ընթացիկ		
Փոխառություններ	701 946	1 042 554
Երկարաժամկետ վարկերի կարճաժամկետ մաս	-	164 474
	701 946	1 207 028
	701 946	1 207 028

2021թ դեկտեմբերի 31-ի դրությամբ Ընկերության գործող վարկերի և փոխառությունների վերաբերյալ առկա է հետևյալ տեղեկատվությունը՝

Վարկը կամ փոխառությունը տրամադրողի անվանումը	Վարկի կամ փոխառության արժույթը	Տարեկան տոկոսադրույք	Հաշվեկշռային արժեք 31.12.2021	Հաշվեկշռային արժեք 31.12.2020
Ինեկորանկ ՓԲԸ	ԱՄՆ դոլար	7,5	-	164 474
Նիկոդոսյան Սևակ	ՀՀ դրամ	անտոկոս	536 489	933 489
Նիկոդոսյան Սևակ	ԱՄՆ դոլար	անտոկոս	151 158	109 065
Նիկոդոսյան Սևակ	Եվրո	անտոկոս	13 565	-
Նիկոդոսյան Սևակ	ՌԴ ռուբլի	անտոկոս	734	-
			701 946	1 207 028

Փոխառությունները ստացվել են Ընկերության միակ մասնակցից, անտոկոս են և անժամկետ և ենթակա են հետ վերադարձման ցանկացած պահի դրությամբ՝ կայուն ֆինանսական ցուցանիշների առկայության դեպքում:

12. Հետաձգված հարկ

Ճանաչված հետաձգված հարկային ակտիվներ / (պարտավորություններ)

Հազար ՀՀ դրամ	Հետաձգված հարկային ակտիվներ		Հետաձգված հարկային պարտավորություններ		Զուտ հետաձգված հարկ	
	2021թ	2020թ	2021թ	2020թ	2021թ	2020թ
Վաստակած արձակուրդայինի գծով պահուստ	1 334	-	-	-	1 334	-
	1 334	-	-	-	1 334	-

Ժամանակավոր տարբերությունների շարժը տարվա ընթացքում

Հազար ՀՀ դրամ	2020թ հունվարի1-ի դրությամբ	Եկամտում ճանաչված	2020թ դեկտեմբերի 31-ի դրությամբ	Եկամտում ճանաչված	2021թ դեկտեմբերի 31-ի դրությամբ
Վաստակած արձակուրդայինի գծով պահուստ	-	-	-	1 334	1 334
Զուտ հետաձգված հարկ	-	-	-	1 334	1 334

13. Ածխաթափի և այլ կրեդիտորական պարտքեր

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Կրեդիտորական պարտքեր գնումների գծով	806 219	679 384
Ստացված կանխավճարներ	4 071	3 313
Պարտքեր հարկերի եւ այլ պարտադիր վճարների գծով	14 003	61 261
Հատուցումներ աշխատակիցներին	74	-
	824 367	743 958

Ընկերության կրեդիտորական պարտքերի մարման միջին տևողությունը 2021թ կազմել է 41 օր, իսկ 2020թ՝ 48 օր: Ածխաթափի կրեդիտորական պարտքերի գծով տոկոսներ չեն հաշվառվում: Ընկերությունն ունի ֆինանսական ռիսկի կառավարման քաղաքականություն, որն ապահովում է բոլոր պարտավորությունների ժամանակին կատարումը:

Հարկերի և պարտադիր վճարների գծով կրեդիտորական պարտքը բաղկացած է հետևյալից՝

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Ծախսառեսցրել	-	51 987
Եկամտային հարկ	556	-
Ավելացված արժեքի հարկ	13 177	9 274
Այլ	270	-
	14 003	61 261

14. Պահուստներ

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Վաստակած արձակուրդայինի գծով պահուստ	7411	-
	7411	-

15. Հասույթ, վաճառքի ինքնարժեք

Հասույթ

Հազար ՀՀ դրամ	2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
Ապրանքների վաճառքներից հասույթ	6 952 657	5 019 241
Ծառայությունների մատուցումից հասույթ	49 238	32 342
	7 001 895	5 051 583

Վաճառքի ինքնարժեք

Հազար ՀՀ դրամ	2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
Վաճառված ապրանքների ինքնարժեք	6 530 783	4 781 484
	6 530 783	4 781 484

16. Իրացման ծախսեր

Հազար ՀՀ դրամ

Աշխատավարձ
Մաշվածություն և ամորտիզացիա
Մարկետինգի և գովազդի ծախսեր
Վարձակալական ծախսեր
Նյութածախս
Այլ

2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
144 387	116 642
13 070	4 736
3 899	1 809
46 325	1 200
93 832	41 841
7 389	22 417
308 902	188 645

17. Վարչական ծախսեր

Հազար ՀՀ դրամ

Աշխատավարձ
Մաշվածություն և ամորտիզացիա
Փոստի, հեռահաղորդակցության
Գրասենյակային, կոմունալ
Հաշվապահական ծառայություն
Բանկային և ապահովագրության
Այլ

2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
15 493	16 433
1 692	2 023
730	400
23 822	11 752
8 000	6 940
14 148	7 509
3296	5031
67 181	50 088

18. Այլ եկամուտներ և ծախսեր

Այլ եկամուտներ

Հազար ՀՀ դրամ

Կրեդիտորական պարտքի գիշումից եկամուտներ
Այլ եկամուտներ

2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
1 747	-
-	168
1 747	168

Այլ ծախսեր

Հազար ՀՀ դրամ

Ծախսեր տույժերից, տուգանքներից, դատական
ծախսեր
Արձակուրդայինի պահուստաֆոնդին հատկացում
Այլ ծախսեր

2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
-	25 414
7 411	-
1 659	2 610
9 070	28 024

19. Ֆինանսական եկամուտներ և ծախսեր

Ֆինանսական ծախսեր

Հազար ՀՀ դրամ

Վարկերի և փոխառությունների գծով տոկոսային ծախսեր

2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
1 286	10 307
1 286	10 307

20. Այլ օգուտ (կորուստ)

Հազար ՀՀ դրամ	2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
Փոխարժեքային տարբերություններից եկամուտ	43474	8346
Փոխարժեքային տարբերություններից ծախս	(27 390)	(25 354)
	16 084	(17 008)

21. Շահութահարկ

Շահութահարկի գծով ծախսի հիմնական բաղադրիչներն են

Հազար ՀՀ դրամ	2021թ դեկտեմբերի 31-ին ավարտված տարի	2020թ դեկտեմբերի 31-ին ավարտված տարի
Ընթացիկ շահութահարկ՝		
Ընթացիկ շահութահարկի գծով ծախս	17 278	41 458
Հետաձգված հարկեր		
Ժամանակային տարբերությունների ծագում և հակադարձում	(1 334)	-
Համապարփակ ֆինանսական արդյունքների մասին հաշվետվությունում ներկայացված շահութահարկի գծով ծախս / (օգուտ)	15 944	41 458

22. Ֆինանսական գործիքներ

Հաշվապահական հաշիվառման բաղադրականություններ

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3.9-ում:

Ֆինանսական գործիքների կատեգորիաները

Ֆինանսական վիճակի մասին հաշվետվությունում ներկայացված մնացորդները վերաբերում են ակտիվների և պարտավորությունների հետևյալ կատեգորիաներին.

Ֆինանսական ակտիվներ

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Մնացորդներ դրամարկդում և բանկերում	100 669	120 449
Դեբիտորական պարտք վաճառքների գծով	13 676	7 337
	114 345	127 786

Ֆինանսական պարտավորություններ

Հազար ՀՀ դրամ	2021թ դեկտեմբերի 31-ի դրությամբ	2020թ դեկտեմբերի 31-ի դրությամբ
Առևտրային և այլ կրեդիտորական պարտքեր	806 219	679 384
Վարկեր և փոխառություններ	701 946	1 207 028
	1 508 165	1 886 412

23. Ֆինանսական ռիսկի կառավարման ուղղությաններ

Ընկերությունը իր բնականոն գործունեության ընթացքում ենթարկվում է շուկայական (որը ներառում է արտարժույթային), պարտքային և իրացվելիության ռիսկերի:

Ֆինանսական ռիսկի գործոններ

ա) Ծուխայական ռիսկ

Ընկերության գործունեությունն ուղղակիորեն ենթարկվում է արտարժույթային, տոկոսադրույքային ռիսկերի փոփոխությունների ազդեցությանը:

Արտարժույթային ռիսկ

Ընկերությունը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Արտարժույթի ռիսկի նկատմամբ Ընկերության ենթարկվածությունը կապված է ֆունկցիոնալ արժույթից տարբեր այլ արժույթից տարբեր այլ արժույթով արտահայտված վաճառքների, ձեռքբերումների և փոխառությունների հետ: Արտարժույթի ռիսկ հիմնականում առաջացնում են ԱՄՆ դոլարը և Եվրոն: Արտարժույթով արտահայտված ֆինանսական ակտիվներն ու պարտավորությունները, որոնք Ընկերությանը ենթարկվում են արտարժույթային ռիսկի, նկարագրված են ստորև:

Հոդված	2021թ		2020թ	
	ԱՄՆ դոլար՝ ՀՀ դրամով վերահաշվարկված	Եվրո՝ ՀՀ դրամով վերահաշվարկված	ԱՄՆ դոլար՝ ՀՀ դրամով վերահաշվարկված	Եվրո՝ ՀՀ դրամով վերահաշվարկված
Ֆինանսական ակտիվներ				
Դրամական միջոցներ	44	-	109 065	-
Ֆինանսական պարտավորություններ				
Վարկեր և փոխառություններ	151 158	13 565	273 539	-
Զուտ արդյունք	(151 114)	(13 565)	(164 474)	-

Տարվա ընթացքում կիրառվել են արտարժույթի հետևյալ փոխարժեքները՝

	2021թ	2020թ
ԱՄՆ դոլար	480,14	522,59
	542,61	641,11

Զգարանության վերլուծություն

Ստորև բերված աղյուսակում ներկայացված է Ընկերության զգայունությունը՝ ԱՄՆ դոլարի նկատմամբ դրամի 10% (2020թ.՝ 10%) աճին/նվազմանը: 10%-ը (2020թ.՝ 10%) ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում դրանց փոխարկումը՝ փոփոխելով փոխարժեքը 10%-ով (2020թ.՝ 10%): Զգայունության վերլուծությունը ներառում է կապակցված և ոչ կապակցված կողմերից վարկերը և փոխառությունները: Բացասական ցուցանիշը նվազում է վկայում համապարփակ ֆինանսական արդյունքների մասին հաշվետվությունում և սեփական կապիտալում, երբ դրամն արժեզրկվում է համապատասխան արժույթի նկատմամբ:

Տոկոսադրույքների փոփոխություններն ազդեցություն են ունենում հիմնականում տրված փոխառությունների և ստացված վարկերի ու փոխառությունների վրա՝ փոխելով կամ դրանց իրական արժեքը (ֆիքսված դրույքով պարտք) կամ դրամական միջոցների ապագա հոսքերը (փոփոխական դրույքով պարտք): Ղեկավարությունը չի կիրառում ֆիքսված կամ փոփոխական դրույքների նկատմամբ Ընկերության ենթարկվածության չափը որոշող ձևակերպված քաղաքականություն: Հաշվետու ժամանակաշրջանում Ընկերությունը չի ունեցել տոկոսային ռիսկի ենթակա էական ֆինանսական գործիքներ:

	Սեփական կապիտալ	Ծախսը կամ վնաս
2021թ. ԱՄՆ դոլար (10% ամրապնդում) Եվրո (10% ամրապնդում)	(15 111) (1 357)	(15 111) (1 357)
2020թ. ԱՄՆ դոլար (10% ամրապնդում) Եվրո (10% ամրապնդում)	(16 447) -	(16 447) -

Տոկոսադրույքի ռիսկ

Տոկոսադրույքների փոփոխություններն ազդեցությունեն ունենում հիմնականում տրված փոխառությունների և ստացված վարկերի ու փոխառությունների վրա՝ փոխելով կամ դրանց իրական արժեքը (ֆիքսված դրույքով պարտք) կամ դրամական միջոցների ապագա հոսքերը (փոփոխական դրույքով պարտք)։ Ներկայումս Ընկերությունը չունի տոկոսային ռիսկ ձևավորող փոփոխական տոկոսադրույքով ֆինանսական պարտավորություններ։

բ) Պարտքային ռիսկ

Պարտքային ռիսկը ֆինանսական վնաս կրելու ռիսկն է, երբ պատվիրատուն կամ ֆինանսական գործիքի պայմանագրային կողմն ի վիճակի չի լինում կատարել իր պարտավորությունները Ընկերության նկատմամբ։ Պարտքային ռիսկն առաջանում է հիմնականում պատվիրատուներից ստացման ենթակա դեբիտորական պարտքերի և այլ անձանց տրված փոխառությունների գծով։ Ընկերությունը չի պահանջում գրավ ֆինանսական ակտիվների գծով։ Պարտավորությունների կատարման գծով ռիսկերի գնահատումներ իրականացվում են որոշակի սահմանները գերազանցող գումարներ պահանջող հաճախորդների համար, բացառությամբ կապակցված կողմերի։

Վերադարձվածությանը պարտքային ռիսկին

Ֆինանսական ակտիվների հաշվեկշռային արժեքը ներկայացնում է պարտքային ռիսկին ենթարկվածության առավելագույն չափը։ Ստորև ներկայացված է հաշվետու ամսաթվի դրությամբ պարտքային ռիսկին առավելագույն ենթարկվածությունը։

Հազար ՀՀ դրամ	Հաշվեկշռային արժեք	
	2021թ.	2020թ.
Առևտրային դեբիտորական պարտքեր	13 676	7 337
Դրամական միջոցներ և դրանց համարժեքներ	100 669	120 449
Ընդամենը	114 345	127 786

Ստորև ներկայացված է հաշվետու ամսաթվի դրությամբ առևտրային դեբիտորական պարտքերի գծով վարկային ռիսկին առավելագույն ենթարկվածությունն ըստ աշխարհագրական տարածաշրջանների։

Հազար ՀՀ դրամ	Հաշվեկշռային արժեք	
	2021թ.	2020թ.
Տեղական	13 676	7 337
Ընդամենը	13 676	7 337

գ) Իրացվելիության ռիսկ

Իրացվելիության ռիսկը ենթադրում է, որ Ընկերությունը կունենա դժվարություններ՝ իր ֆինանսական պարտավորությունների հետ կապված պարտականությունները կատարելիս, որոնց Իրացվելիության ռիսկի կառավարման հարցում Ընկերության մոտեցումն է ապահովել բավարար իրացվելիություն բնականոն և արտակարգ իրավիճակներում պարտավորությունները կատարելու համար՝ առանց անընդունելի կորուստներ կրելու կամ Ընկերության համբավը վտանգելու։

Ստորև ներկայացված է ֆինանսական պարտավորությունների պայմանագրային ժամկետայնությունը, ներառյալ տոկոսների հաշվարկված վճարումները՝ առանց հաշվանցման համաձայնագրերի ազդեցության:

2021թ

Հազար ՀՀ դրամ	Հաշվեկշռային արժեք	Մինչև մեկ տարի	1-2 տարի	2 և ավելի տարի
Վարկեր և փոխառություններ	701 946	701 946	701 946	-
Առևտրային և այլ կրեդիտորական պարտքեր	806 219	806 219	806 219	-
	1 508 165	1 508 165	1 508 165	-

2021թ

Հազար ՀՀ դրամ	Հաշվեկշռային արժեք	Մինչև մեկ տարի	1-2 տարի	2 և ավելի տարի
Վարկեր և փոխառություններ	1 207 028	1 207 028	1 207 028	-
Առևտրային և այլ կրեդիտորական պարտքեր	679 384	679 384	679 384	-
	1 886 412	1 886 412	1 886 412	-

Կապիտալի ռիսկի կառավարում

Ընկերությունն իր կապիտալը կառավարում է այնպես, որպեսզի ապահովի իր անընդհատ գործելու հնարավորությունը առավելագույնին հասցնելով բաժնետերերի եկամուտները՝ փոխառու և կապիտալ միջոցների օգտին՝ համապատասխանություն ապահովելու միջոցով:

Ընկերության կապիտալը կազմված է սեփական կապիտալից, որը ներառում է թողարկված կապիտալը, կուտակված շահույթը, ինչպես նաև փոխառու միջոցները, որոնք ներառում են վարկերը՝ բացահայտված ծանոթագրություն 11-ում:

Ընկերության ղեկավարությունը պարբերաբար վերանայում է կապիտալի կառուցվածքը, որպեսզի ապահովի փոխառու միջոցների և սեփական կապիտալի մնացորդների առավելագույն օգտին՝ համապատասխանություն, որը վերլուծվում է՝ հաշվառելով ֆինանսական լծակը (զուտ պարտավորությունը բաժանած ընդհանուր կապիտալի վրա), հետևյալ կերպ.

Հազար ՀՀ դրամ	2021թ ղեկտեմբերի 31-ի դրությամբ	2020թ ղեկտեմբերի 31-ի դրությամբ
Ընդհանուր վարկեր	701 946	1 207 028
Հանած դրամական միջոցներ և դրանց համարժեքներ	(100 669)	(120 449)
Զուտ պարտավորություն	601 277	1 086 579
Ընդհանուր սեփական կապիտալ	240 753	177 113
Ընդհանուր կապիտալ	842 030	1 263 692
Ֆինանսական լծակ	71,41	85,98

Իրական սթրիկ

Ղեկավարությունը գտնում է, որ ֆինանսական ակտիվների և պարտավորությունների գնահատված իրական արժեքները մոտավորապես համապատասխանում են դրանց հաշվեկշռային արժեքներին:

24. Կարևոր հաշվապահական գնահատումներ և դատողություններ

Այս ֆինանսական հաշվետվությունները ՓՄԿ ՖՀՄՄ-ի պահանջներին համապատասխան պատրաստելու համար ղեկավարությունը կատարել է մի շարք դատողություններ, գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման, ինչպես նաև ակտիվների, պարտավորությունների, եկամտի և ծախսի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումներն ու համապատասխան ենթադրությունները շարունակաբար վերանայվում են: Հաշվապահական գնահատումների վերանայումները ճանաչվում են այն ժամանակաշրջանում որում վերանայվել են և այն ապագա ժամանակաշրջաններում, որոնց վրա կարող են ազդեցություն ունենալ:

- *Ծանոթագրություն 4 – հիմնական միջոցների օգտակար ծառայության ժամկետը*
- *Ծանոթագրություն 5 – Ոչ կյուրսական ակտիվների օգտակար ծառայության ժամկետ*
- *Ծանոթագրություն 11 – վարկեր և փոխառություններ*
- *Ծանոթագրություն 12 – հետաձգված հարկային ակտիվներ և պարտավորություններ*

Այազայի վերաբերյալ ենթադրությունների, ինչպես նաև գնահատման անորոշության հիմնական այլ աղբյուրների վերաբերյալ տեղեկատվությունը, որոնց դեպքում առկա է նշանակալի ռիսկ, որ դրանք հաջորդ ֆինանսական տարվա ընթացքում կարող են հանգեցնել ակտիվների և պարտավորությունների հաշվեկշռային արժեքների էական ճշգրտումների, ներկայացված է հետևյալ ծանոթագրություններում:

- *Ծանոթագրություն 25 – պարհանձակություններ*

25. Պայմանականություններ

Գործարար միջոցառում

Հայաստանում իրականացվող քաղաքական և տնտեսական փոփոխությունները շարունակական ընդլայնում են կրում: Որպես զարգացող շուկա՝ Հայաստանում բացակայում են կատարյալ գործարար միջավայր և համապատասխան ենթակառուցվածքներ, որոնք սովորաբար գոյություն ունեն ազատ շուկայական տնտեսություն ունեցող երկրներում: Բացի դրանից, տնտեսական պայմանները շարունակում են սահմանափակել գործառնությունների ծավալները ֆինանսական շուկաներում, և ֆինանսական գործիքների իրական արժեքները կարող են չհամապատասխանել իրականացված գործարքներին:

Ընկերության վրա այս գործոնների հնարավոր հետևանքները կարող են ներառել վարկատուների հանդեպ անվճարունակությունը, խաթարված հեղինակությունը, ապրանքների և ծառայությունների վաճառքի, ինչպես նաև ֆինանսական միջոցների ձեռքբերման հետ կապված դժվարությունները և այլն: Բոլոր այս խնդիրները կարող են հանգեցնել Ընկերության իրացվելիության անկման և, հետևաբար, առաջացնել անընդհատության խնդիրներ:

Ապահովագրություն

Հայաստանում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Ընկերությունը, բացառությամբ տրանսպորտային միջոցների օգտագործումից բխող պատասխանատվությանն պարտադիր ապահովագրությունից՝ իր ակտիվների, գործունեության ընդհատման կամ երրորդ կողմերի պարտավորությունների հանդեպ, որոնք կարող են առաջանալ գույքի կամ գործառնությունների պատահարներից հասցված վնասից ապահովագրություն չունի:

Հարկային միջավայր

Հայաստանի Հանրապետության հարկային, արժույթային և մաքսային օրենսդրությունը պարբերաբար տարբեր մեկնաբանությունների և փոփոխությունների առարկա է հանդիսանում: Ընկերությունը գտնում է, որ համապատասխան պետական կարգավորող մարմինների կողմից մեկնաբանությունները կարող են ազդել Ընկերության գործարքների և գործունեության վրա: Հարկային մարմինները կարող են ավելի խիստ դիրքորոշում ընդունել օրենսդրության մեկնաբանությունների և գնահատման գծով, որի արդյունքում հնարավոր է, որ այն գործարքների և գործունեության հարկային հաշվառման նկատմամբ վերաբերմունքը փոխվի, որոնց նախկինում հարկային մարմինները չէին անդրադարձել: Որպես այդպիսին լրացուցիչ հարկերը, տույժերը և տուգանքները կարող են հարկային մարմինների կողմից հաշվարկվել:

Ընկերությունը գտնում է, որ 2021թ. դեկտեմբերի 31-ի դրությամբ Ընկերությունը պատշաճ կերպով էր կատարում համապատասխան օրենքների պահանջները և Ընկերության հարկային, արժույթային և մաքսային դրությունը կայուն է:

Դատական վարչություն

Ընկերությունը ներգրավված չէ այնպիսի խոշոր դատական վարույթներում, որոնք կարող են էական ազդեցություն ունենալ իր ֆինանսական վիճակի վրա:

26. Գործարքներ կապակցված կողմերի միջև

Արտահանություն

Ընկերության կապակցված կողմեր են հանդիսանում են հանդիսանում նրա միակ բաժնետերեր Սևակ Նիկողոսյանը, որը միաժամանակ հանդիսանում է Ընկերության տնօրենը: Ընկերության և նրա հետ փոխկապակցված անձանց միջև գործարքների մանրամասները բացահայտված են ստորև:

	Մնացորդը 01.01.2021թ	Գործարքի արժեքը 2021թ	Մնացորդը 31.12.2021թ
Հիմնադիրից ստացված փոխառություններ	1 042 554	961 194	701 946
Տնօրենին վճարված աշխատավարձ	-	2142	-
Ստացված վարձակալություններ հիմնադիրի հետ փոխկապակցված անձանցից	-	54 150	5 700

27. Հաշվետու ժամանակաշրջանի ավարտից հետո տեղի ունեցող դեպքեր

Ճշգրտվող դեպքեր հաշվետու ամսաթվից հետո (31.12.2021թ) մինչև ֆինանսական հաշվետվությունների վավերացման ամսաթիվը՝ (29.06.2022թ) տեղի չեն ունեցել:

Կորոնավիրուսային համարակի /COVID-19/ զարգացումների մասշտաբը և տևողությունը մնում են անորոշ և դրանք կարող են ազդեցություն ունենալ Ընկերության դրամական միջոցների հոսքերի և ֆինանսական վիճակի վրա: Ընկերությունը այս համահարակը համարում է հաշվետու ժամանակաշրջանից հետո տեղի ունեցող չճշգրտող իրադարձություն, որի ֆինանսական ազդեցությունը ներկայումս չի կարող գնահատվել վստահության բավարար մակարդակով:

Տնօրեն
Հաշվապահական ծառայություն
մատուցող ընկերության
ներկայացուցիչ

Ս. Նիկողոսյան
Ս. Բադալյան

